

# **Hysbysiad preifatrwydd yn ymwneud â phrosesu data personol at ddiben Aseidiadau Cynnydd Dysgwyr**

**(Fersiwn 1.0 – er 31.08.2022)**



**MAE EICH DATA O BWYS**

**YOUR DATA MATTERS**

## Ynglŷn â'r hysbysiad preifatrwydd yma

Mae'r hysbysiad preifatrwydd yma'n ymwneud â phrosesu data personol gan ysgolion cynradd, uwchradd ac ysgolion pob oed yn Rhondda Cynon Taf (RhCT) sy'n cael eu cynnal gan yr awdurdod lleol (Cyngor Bwrdeistref Sirol Rhondda Cynon Taf 'CBSRhCT'). Mae hefyd yn ymwneud â phrosesu data personol gan ysgolion ffydd yn RhCT sy'n cael eu hariannu'n wirfoddol.

Cliciwch [yma](#) am restr lawn o'r ysgolion y mae'r hysbysiad preifatrwydd yma'n berthnasol iddyn nhw.

Caiff yr hysbysiad preifatrwydd yma ei ddarparu gan CBSRhCT ar gyfer ysgolion o dan Gytundeb Lefel Gwasanaeth diogelu data, ac ar eu rhan.

## Cyflwyniad

Bwriad yr hysbysiad preifatrwydd yma yw rhoi gwybodaeth am sut y bydd yr ysgol yn defnyddio (neu'n 'prosesu') data personol am unigolion gan gynnwys ein disgyblion presennol, blaenorol a darpar ddisgyblion a'u rhieni, cynhalwyr neu warcheidwaid (y cyfeirir atyn nhw yn yr hysbysiad fel 'rhieni') i gyflawni ein swyddogaethau statudol sy'n ymwneud ag Asesiadau Cynnydd Dysgwyr ('asesiadau') fel y cânt eu diffinio yn Neddf Cwricwlwm ac Asesu (Cymru) 2021.

Er ein bod ni wedi ceisio gwneud yr hysbysiad preifatrwydd yma mor glir a chryno â phosibl, mae'n bosibl y bydd y categorïau o ddata personol rydyn ni'n eu prosesu'n amrywio yn dibynnu ar ddeilliannau asesiadau, cynnydd disgyblion a'r cymorth sydd ei angen ac ati. Os oes angen rhagor o wybodaeth benodol arnoch chi am eich plentyn, mae croeso i chi gysylltu â'r Arweinydd Diogelu Data.

Dim ond y lleiafswm o wybodaeth bersonol sydd ei hangen mewn perthynas â'r diben fydd yn cael ei prosesu.

Dylid darllen yr hysbysiad yma ar y cyd â Hysbysiad Preifatrwydd Cyffredinol yr ysgol sydd ar gael ar ein gwefan neu drwy gysylltu â'r Arweinydd Diogelu Data.

## Y Rheolwr Data

Yr ysgol yw'r rheolwr data ar gyfer y data personol rydyn ni'n ei brosesu, oni nodir yn wahanol. Mae hyn yn cynnwys y data personol sy'n cael ei brosesu gan y Corff Llywodraethu, pennaeth, llywodraethwyr unigol, athrawon, cynorthwyr addysgu a staff cymorth ac ati.

Mae'r ysgol wedi'i chofrestru gyda Swyddfa'r Comisiynydd Gwybodaeth fel rheolwr.

## Sut i gysylltu â ni ynglŷn â materion neu bryderon diogelu data

Arweinydd Diogelu Data'r ysgol yw'r prif bwynt cyswllt ar gyfer materion diogelu data. Mae modd cysylltu â'r Arweinydd Diogelu Data gan ddefnyddio ein dulliau cyswllt arferol; dros y ffôn, e-bost, drwy'r post a drwy alw heibio yn yr ysgol.

Cliciwch [yma](#) am fanylion cyswllt.

## Y Swyddog Diogelu Data

Mae CBSRhCT yn darparu gwasanaeth cymorth diogelu data i'r ysgol o dan Gytundeb Lefel Gwasanaeth, gan gynnwys darparu Swyddog Diogelu Data.

Mae modd cysylltu â'r Swyddog Diogelu Data mewn perthynas â materion diogelu data. Serch hynny, rydyn ni'n eich annog chi i gysylltu â'r ysgol yn y lle cyntaf. Os bydd angen i chi gysylltu â'r Swyddog Diogelu Data yn uniongyrchol, mae modd i chi wneud hynny drwy e-bost i'r cyfeiriad e-bost canlynol;

- [Rheoli.Gwybodaeth@rctcbc.gov.uk](mailto:Rheoli.Gwybodaeth@rctcbc.gov.uk)

Rydyn ni'n argymhell, wrth i chi gysylltu â'r Swyddog Diogelu Data, eich bod chi'n anfon copi o'r ohebiaeth at yr ysgol, a hithau'n rheolwr data.

## Y mathau o ddata personol rydyn ni'n eu prosesu

Mae'n bosibl y byddwn ni'n prosesu'r categorïau canlynol o ddata personol at ddibenion statudol sy'n ymwneud ag asesiadau cynnydd dysgwyr.

### Data personol disgyblion

- Gwybodaeth personol megis enw, cyfeiriad, oedran, dyddiad geni, blwyddyn/dosbarth, rhif unigryw'r disgybl ac ati
- Nodweddion perthnasol megis ethnigrwydd, iechyd a chrefydd
- Gwybodaeth asesu megis cryfderau a chyflawniadau disgyblion, meysydd i'w gwella, rhwystrau i ddysgu, gofynion cymorth, cynnydd, cynlluniau dysgu ac ati

### Data personol y rhieni

- Manylion datgelu personol megis enw, perthynas â'r disgybl
- Manylion cyswllt megis cyfeiriad, rhif ffôn, cyfeiriad e-bost

## Pam rydyn ni'n prosesu data personol

Rydyn ni'n prosesu data'r disgyblion er mwyn cydymffurfio â'n gofynion statudol yn ymwneud ag asesiadau cynnydd dysgwyr. Mae'n bosibl y bydd hyn yn cynnwys ond heb ei gyfyngu i'r gweithgareddau canlynol:

- cynnal asesiadau cynnydd dysgwyr i dargedu, tracio a monitro cynnydd disgyblion
- cofnodi asesiadau cynnydd dysgwyr
- rhoi mesurau ar waith yn gefn i gynnydd disgyblion (bydd hyn o bosibl yn cynnwys atgyfeiriadau i wasanaethau'r awdurdod lleol ac i gymorth allanol)
- cyfathrebu ac ymgysylltu â rhieni mewn perthynas â chynnydd disgyblion
- cyhoeddi adroddiadau cynnydd i rieni
- llywio'r dysgu ac addysgu sydd eu hangen i wneud cynnydd
- cynllunio adnoddau a thargedu cymorth i ddisgyblion
- deall cynnydd grŵp er mwyn myfyrio ar arfer

## Ein sail gyfreithiol ar gyfer prosesu'r data personol

O dan y Rheoliadau Diogelu Data Cyffredinol (GDPR), ein sail gyfreithlon ar gyfer prosesu'r data personol at ddiben asesiadau cynnydd dysgwyr yw:

- **Rhwymedigaeth Gyfreithiol (c)** – prosesu sy'n angenrheidiol ar gyfer rhwymedigaeth gyfreithiol sydd wedi'i roi i'r rheolwr
- **Tasg Gyhoeddus** – Erthygl 6 (e) – prosesu sy'n angenrheidiol ar gyfer cyflawni tasg er budd y cyhoedd neu arfer awdurdod swyddogol sydd wedi'i roi i'r rheolwr
- **Budd sylweddol i'r cyhoedd** – Erthygl 9 (2) (g) – prosesu sy'n angenrheidiol er budd sylweddol y cyhoedd, ar sail cyfraith Undebol neu aelod-wladwriaeth sy'n gyfraneddol i'r nod, yn parchu hanfod hawliau diogelu data ac yn darparu mesurau addas a phenodol i ddiogelu hawliau sylfaenol a buddion y person y mae'r data amdano

Y ddeddfwriaeth sylfaenol, rheoliadau a chanllawiau sy'n ategu hyn yw:

- Deddf Cwricwlwm ac Asesu (Cymru) 2021 (Rhan 4)
- Deddf Addysg 1997
- Deddf Addysg 2002
- Rheoliadau Cynlluniau Datblygu Addysg (Cymru) (Diwygio) 2005
- Rheoliadau Gwybodaeth am Ddisgyblion (Cymru) 2011
- Cynlluniau Datblygu Ysgol LIC 2014

## Gan bwy ac o ble rydyn ni'n casglu data personol?

Byddwn ni fel arfer yn cael data personol o'r ffynonellau canlynol:

- Disgyblion
- Staff yr ysgol
- Yr awdurdod lleol a gwasanaethau cymorth allanol sydd o bosibl yn rhoi cymorth i ddisgyblion neu sydd â llaw yn y cynnydd maen nhw'n ei wneud

## Gyda phwy mae data yn cael eu rhannu?

Mae'n bosibl y byddwn ni'n rhannu data personol gyda'r sefydliadau allweddol canlynol i gyflawni ein swyddogaeth statudol mewn perthynas ag asesiadau cynnydd dysgwyr. Dim ond y lleiafswm o wybodaeth bersonol sydd ei hangen mewn perthynas â'r diben fydd yn cael ei rhannu.

Pwy	Diben
Yr awdurdod lleol (CBSRhCT) – Carfan Data	<ul style="list-style-type: none"><li>Ffurflenni ac adroddiadau statudol</li><li>Creu a chyflwyno datganiadau statudol: Lefelau diwedd cyfnod allweddol CDC (Casglu Data Cenedlaethol)</li></ul>
Llywodraeth Cymru	<ul style="list-style-type: none"><li>Ffurflenni ac adroddiadau statudol</li><li>Profion Cenedlaethol Cymru</li></ul>
Consortium Canolbarth y De	<ul style="list-style-type: none"><li>Ffurflenni ac adroddiadau statudol</li><li>Gwella ysgolion</li></ul>
Yr awdurdod lleol a gwasanaethau cymorth allanol	Mae modd rhannu data personol â gwasanaethau sy'n ymwneud â disgyblion unigol i gefnogi eu cynnydd

## Proseswyr data

Mae proseswr data yn gwmni neu sefydliad sy'n prosesu data personol ar ran rheolwr. Mae'r ysgol yn defnyddio proseswyr data sy'n darparu gwasanaethau i ni. Dyma'r categori o broseswyr data y mae'r ysgol yn eu defnyddio mewn perthynas ag asesu:

- Cyflenwyr systemau/darparwyr gwasanaethau TG

Mae ein proseswyr data yn gweithredu ar ein cyfarwyddyd ni yn unig. Does dim modd iddyn nhw wneud unrhyw beth gyda'r data personol oni bai ein bod ni wedi eu cyfarwyddo i wneud hynny. Fyddan nhw ddim yn rhannu'r wybodaeth bersonol ag unrhyw sefydliad ar wahân i ni nac yn ei defnyddio at eu dibenion eu hunain. Byddan nhw'n ei dal yn ddiogel ac yn ei chadw am y cyfnod rydyn ni wedi'u cyfarwyddo i wneud hynny.

Os oes gyda chi ymholiad penodol yn ymwneud â'n proseswyr data, cysylltwch â'r Arweinydd Diogelu Data.

## Am ba mor hir y byddwn ni'n cadw'r data personol?

Rydyn ni'n cadw'r data personol sy'n ymwneud ag asesiadau cynnydd dysgwyr fel a ganlyn;

Cofnod	Disgrifiad syml o'r cofnod	Darpariaeth statudol	Cyfnod cadw'r wybodaeth
Cofnod o'r ysgol gynradd	Asesiadau athrawon sy'n ffurfio rhan o'r cofnod addysgol.	Ddim yn berthnasol	Hyd nes y bydd y disgybl yn gadael yr ysgol. Bryd hynny, bydd y cofnod yn cael ei drosglwyddo i'r ysgol gynradd neu'r ysgol uwchradd nesaf.
Cofnod o'r ysgolion uwchradd			Argymhellir cadw'r cofnod hyd nes bod y disgybl yn cael ei ben-blwydd yn 25 oed

Er mwyn dilyn egwyddor storio data Rheoliadau Diogelu Data Cyffredinol, mae'r cofnodion yn cael eu hadolygu'n rheolaidd. Dydy'r holl ddata personol ddim yn cael ei gadw. Dim ond data personol sy'n berthnasol sy'n cael ei gadw am y cyfnod cyfan. Caiff unrhyw wybodaeth sy'n amherthnasol yn y tymor hir neu sy'n amherthnasol yn dystiolaethol ei dinistrio yn rhan o arferion busnes arferol.

## **Eich hawliau o ran diogelu data**

O dan gyfraith diogelu data, mae hawliau gyda chi y mae angen i ni eich gwneud chi'n effro iddyn nhw. Mae'r hawliau sydd ar gael i chi yn dibynnu ar ein rheswm dros brosesu eich data personol.

### **Eich hawl i weld eich data personol**

Mae'r hawl gyda chi i ofyn i ni am gopïau o'ch data personol. Mae'r hawl yma'n berthnasol ar bob adeg. Mae rhai eithriadau, sy'n golygu efallai na fyddwch chi'n derbyn yr holl ddata rydyn ni'n ei brosesu bob amser. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i'ch data gael ei gywiro**

Mae'r hawl gyda chi i ofyn i ni gywiro data personol sy'n anghywir yn eich barn chi. Hefyd, mae gyda chi'r hawl i ofyn i ni gwblhau data sy'n anghyflawn yn eich barn chi. Mae'r hawl yma'n berthnasol ar bob adeg. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i gael eich data wedi'i ddileu**

Mae'r hawl gyda chi i ofyn i ni ddileu eich data personol mewn rhai amgylchiadau. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i gyfyngu ar sut mae sefydliadau'n defnyddio'ch data**

Mae'r hawl gyda chi i ofyn i ni gyfyngu ar brosesu eich data personol mewn rhai amgylchiadau. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i wrthwynebu'r defnydd o'ch data**

Mae'r hawl gyda chi i wrthwynebu i ni brosesu eich data personol mewn rhai amgylchiadau. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

### **Eich hawl i drosglwyddo data**

Mae hyn ond yn berthnasol i ddata personol rydych chi wedi ei roi i ni. Mae'r hawl gyda chi i ofyn i ni drosglwyddo'r data personol rydych chi wedi'i roi i ni o un sefydliad i'r llall neu ei roi i chi. Mae'r hawl yma ond yn berthnasol os ydyn ni'n prosesu'r data personol yn seiliedig ar eich caniatâd neu o dan ymrwymiad i gontract, neu wrth drafod derbyn contract, a bod y prosesu'n awtomataidd. [Darllenwch ragor am yr hawl yma ar wefan Swyddfa'r Comisiynydd Gwybodaeth.](#)

Does dim rhaid i chi dalu am arfer eich hawliau. Mae mis gyda ni i ymateb i'ch cais o'r dyddiad y caiff eich cais ei ddilysu. Mae modd i ni ymestyn y cyfnod yma am ddau fis arall os yw'r cais yn gymhleth neu os byddwn ni'n derbyn nifer o geisiadau gennych chi.



Cysylltwch ag Arweinydd Diogelu Data'r ysgol os ydych chi'n dymuno gwneud cais.

### **Eich hawl i wneud cwyn i'r ysgol ynghylch diogelu data**

Mae'r hawl gyda chi i gwyno i'r ysgol os ydych chi o'r farn nad ydyn ni wedi trin eich data personol yn gyfrifol ac yn unol ag arfer da.

Os oes gennych chi bryder, rydyn ni'n eich annog i gysylltu â'r Arweinydd Diogelu Data yn y lle cyntaf. Mae modd datrys y rhan fwyaf o bryderon yn gymharol gyflym trwy ffonio neu e-bostio'r ysgol. Os hoffech chi wneud cwyn ffurfiol mae modd i chi wneud hynny drwy ein polisi cwynion.

### **Eich hawl i wneud cwyn i'r Swyddfa'r Comisiynydd Gwybodaeth ynghylch diogelu data**

Mae modd i chi hefyd gwyno i Swyddfa'r Comisiynydd Gwybodaeth os ydych chi'n anfodlon â sut rydyn ni wedi defnyddio'ch data, ond rydyn ni'n eich annog chi i gysylltu â ni yn y lle cyntaf.

Dyma fanylion cyswllt Swyddfa'r Comisiynydd Gwybodaeth:

- Cyfeiriad: Information Commissioner's Office, Wycliffe House, Water Lane, Wilmslow, Cheshire, SK9 5AF
- Rhif y Llinell Gymorth: 0303 123 1113
- Gwefan: <http://www.ico.org.uk>

## Rheoli'r fersiwn

<b>Rhif y Fersiwn</b>	<b>Dilys o</b>	<b>Dilys hyd at</b>	<b>Sylwadau</b>
1.0	31.08.2022		Llunio'r ddogfen. Y ddogfen derfynol.